

**Protocol no. 114****Sezzüda da lündeschdi, 26 settember 2011 – 20.00 – 22.30**

**Preschaints:** Jon Carl Rauch; Chasper Alexander Felix, Marianne Werro-Lehmann, Jachen Andri Schmidt e Claudia Luppi (protocol)

**S-chüsà:** Georg Salomon

**Protocol**

Il protocol no. 113 da la sezzüda da lündeschdi, 12. September 2011 vain approvà.

**1008 021****FABRICA****Jon Lansel – Müdamaint d'utilisaziun – Palüzot**

Sün dumonda da sar Jon Lansel da pudair müdar l'utilisaziun agricula dal stabel agricul in ün 'utilisaziun na agricula e da dovrar il stabel sco magazin es rivada la risposta da BAB in sen positiv culla cundiziun cha ün ulteriur müdamaint d'utilisaziun pretenda darcheu ün ulteriur permiss da BAB. Il Cussagl cumünal decida da conceder il permiss seguaintamaing:

- 1 Tenor la dumonda inoltrada e fatta buna e confuorm al permiss da BAB.
- 2 Il Cumün inchascha üna taxa da trattamaint da frs. 200.--
- 3 Il quint dal Chantun pel proceder da BAB importa frs. 646.--

**1009 021****FABRICA****Peder Vital – Fouras geotermicas – Pradè**

Sün dumonda da sar Peder Vital decida il Cussagl cumünal da dar il permiss per realisar las fouras geotermicas cun seguaintas cundiziuns:

1. Tenor la dumonda inoltrada e fatta buna.
2. Il Cumün inchascha üna taxa da trattamaint da fr. 100.--.
3. Il quint dal Chantun importa fr. 100.--.

**1010 021****FABRICA****Markus Batschwaroff – Adattamaint parkegi e s-chala – Saglina**

Sün dumonda da sar Markus Batschwaroff per ün adattamaint dal parkegi e per ün access per sia chasa in fuorma da s-chala decida il Cussagl da dar il permiss seguaintamaing:

- 1 Tenor la dumonda inoltrada però culla cundiziun cha l'adattamaint dal parkegi as referischa be sün quatter piazzas da parcar sülla parcella no. 410.
- 2 Il Cumün inchascha üna taxa da trattamaint da fr. 100.--.

**1011 021****FABRICA****Roland Staub – Sgrafit via da la fatschada . Archas Sura**

Sün dumonda da sar Roland Staub per pudair realisar ün sgrafit vi da la fatschada decida il Cussagl cumünal da dar il permiss seguaintamaing:

- 1 Tenor la dumonda inoltrada chi indichescha il sector previs da la fatschada vers ost.
- 2 Il cumün inchascha üna taxa da trattamaint da frs. 50.—

**1012 860.318.04      Cità d'energia**  
**Logo Cità d'energia – Slogan agiunt**

Als 21 gën 2011 ha il cumün da Sent survgnì il label "Cità d'energia". Cun ragiundscher quist böt ha il Cumün eir il dret da dovrar il label sül cheu da las chartas. Il büro spezialisà "Scriptum" elavurescha per michea portader il label individual per l'adöver sül la corrispondenza e sün oters ogets da recloma. Tenor l'associaziun da Cità d'energia esa giavüscha cha'l label vegna cumpletta cun ün slogan tipic pel portader dal label. Il Cussagl cumünal decida da ramassar fin la prosma sezzüda ideas per ün slogan pel label.

**1013 025.318.01      Sgüranzas da chosas diversas**  
**Punt Sur EN – Sgüranza cunter dons elementars e dons tras fö**

La punt da Sur En d'eira fin uossa sgürada voluntariamaing cunter dons elementars e cunter dons tras fö pro la sgüranza d'edifizis dal Grischun GVG. Causa la comunicaziun da la GVG da vulair sgürar la punt da Sur En a partir dals 1. november 2011 be plü cunter dons tras fö e na plü cunter dons elementars, ha il Cussagl cumünal giavüscha a l'agentura ch'id es respunsabla per diversas sgüranzas da chosas dal Cumün da far ün'offerta da la polissa existenta cun integraziun dal don elementar da la punt da Sur En. La sgüranza ha examinà la chosa ed es gnüda a la conclusiun da vulair bainschi integrar eir la punt da Sur En illa polissa existenta, però cun la cundiziun da pudair sgürar la punt eir cunter dons tras fö e na be cunter dons elementars. Il Cussagl cumünal decida da clomar giò la sgüranza cunter dons tras fö pro la GVG e d'integrar la punt da Sur En cumplettaing illa polissa existenta da la sgüranza da chosas.

**1015 800                      ALPS E PAS-CHS**  
**Pascalaziun dadour il territori definà – Masüras**

Repetidamaing sto il Cussagl cumünal admonir ad ün pauc da vulair resguardar plü bain ils cunfins da pascalaziun chi sun gnüts definats pel territori pertoc tras üna curvegna tanter el e'l Cumün. Tras charta esa gnü dat al pauc l'ocasiun da tour posiziun a regard la chosa. Causa cha infra il temp indichà nun es entrada ingüna posiziun decida il Cussagl cumünal da tour sco masüra per la cuntravenziun repetida a la curvegna üna multa da frs. 800.--.

**1016 830                      TURISSEM**  
**Tablas da bivgnaint pels cumüns – consultaziun da las propostas**

L'ESTAG es landervia d'elavurar tablas da bivgnaint novas pels cumüns da l'Engiadina Bassa. Las prümas propostas a regard ils texts e l'apparentscha da las tablas sun gnüdas suottamissas als cumüns per la consultaziun. Ils texts proponüts dan andit a discussiuns ed il Cussagl cumünal decida da comunicar a l'ESTAG cha davart il cumün da Sent sajan avantman tscherts retegns concernent ils texts.

**1017 790.581.03      Plan da quartier Flüs**  
**Charta büro fiduziari Lauber Barbüda – Chasa Il Bè**

A regard la charta racumandada inoltrada dal büro fiduziari Lauber Barbüda chi rapreschainta ils proprietaris da las abitaziuns illa chasa Il Bè decida il Cussagl cumünal da dar inavant la critica invers l'andamaint dal fabricat da la via da Flüs al büro respusabel cul giavüscha da vulair responder a las dumondas fattas e da metter in net eventuals dons chi sun gnüts chaschunats tras la fabrica.

1018 62

## **VIAS CUMÜNALAS**

### **Stadi da la via a Schigliana – Charta possessurs chasa147**

Il Cussagl cumünal piglia cungniziun da la charta inoltrada dals possessurs da la chasa 147 a Schigliana a regard il stadi nosch da la via avant lur porta chasa. Il problem es cuntschaint e las reparaturas gnaran tuttas per mans tenor urgenza e priorità da la rait da las vias cumünalas. Il Cussagl cumünal decida da respuonder in quel sen.

1019

## **Orientaziuns**

### **1 Bainvgnü per novas abitantas e nouvs abitants da Sent**

Cusgliera Marianne Werro preschainta ün artichel da gazetta sur da la broschüra d'infuormaziun nouva da Zernez. In quel connex as infuormescha ella sur dal stadi actual da la decisiun dals 4 avrigl 2011 a regard la broschüra d'infuormaziun da Sent ed a regard l'organisaziun d'ün aperitiv da bivgnaint per nouvs abitants e novas abitantas da Sent. I vain cumbinà cha Marianne Werro e l'actuara piglian per mans l'elavuraziun da la broschüra e l'organisaziun da l'aperitiv da bivgnaint.

### **2. Cità d'energia - Iglüminaziun publica**

L'offerta da cuosts per programar l'iglüminaziun publica pel cumün da Sent in möd cha l'iglüminaziun publica stüdess dūrant alch uras la not es avant man. Il müdamaint dal program be per Sent gniss a costair frs. 11'000.--. Causa cha davart da la PEB vain l'idea dozzada sül nivel regional, decida il Cussagl cumünal da spettar giò la sezzüda dal Cussagl regional e da perseguitar il prüm il svilup da la fatschenda sül nivel regional.

L'actuara: